

MUNDU BAT BERTSO

Proiektu honen bidez, bertsolaritza saioak eskaintzen ditu Bertsozale Elkartek hezkuntza arautuan.

Proiektuaren ibilbidea:

Nafarroan abiatu zen 1985ean, ikastetxeetatik jasotako eskariari erantzunez. Urteetako ibilbideari esker, euskararen eremu osora zabaltzeko gara: Lapurdin, Nafarroa Beherean, Zuberoan, Araban, Nafarroan, Bizkaian eta Gipuzkoan ikasturtero 26.000 ikaslek baino gehiagok lantzen du bertsolaritza ikastetxean, Bertsozale Elkarteko 45 irakasleren eskutik. 525 ikastetxe eta 250 udal ingururekin ari gara elkarlanean, egoera soziolinguistiko oso ezberdinetan. Helburua, **bertsolaritzaren bidez umeen hizkuntza gaitasunean eta, bereziki, ahozotasunean eragitea** da.



69 HERRI
217 IKASTETXE
10.000 IKASLE

Bizkaian, zehazki, 69 herritan lantzen dugu bertsolaritza 217 ikastetxetako 10.000 ikaslerekin. Bizkaiko Bertsozale Elkarteko 21 irakaslek esku-hartzen dute ikasgeletan. Bidelagun ditugu zentro publikoak, ikastolak, zein kristau eskolak. Gure ikasmaterialak 2011. urtean Euskal Autonomia Erkidegoko Hezkuntza Sailaren Ixaka Lopez Mendizabal Saria jaso zuen.

Helburu nagusiak:

- Ikasleei dagokienez:
 - Bertsolaritzaren oinarritzko ezagutza izatea eta zaletasuna piztea.
 - Euskararekiko jarrera positiboa indartzea eta hizkuntza komunikaziorako kompetentzia (bereziki ahozkoitasuna) garatzea.
 - Jendaurreko emanaldi bat burutzeko oinarritzko betekizunak ezagutzea.
- Ikastetxe zein herri mailan:
 - Bertsolaritza sustatzea ikastetxean eta herrian.
 - Ikastetxeaz kanpo umek jarraipena ematea zaletasun horri.
 - Euskararen erabilera bultzatzea.

Zer lantzen da bertsolaritzaren bidez?

Bertsolaritzaren bidez lau arlo lantzen dira, eta arlo bakoitzaren baitan hainbat eduki sakontzen ditugu: jarrerazko, kontzeptuzko zein prozedurazko edukiak.

1. HIZKUNTZA

Euskara praktikatzuz gozatzea. Hizkuntzarekin lotutako jardura ludiko eta dinamikoen bidez esperientzia positiboak bizitzea. Diskurtsoak jarrera kritikoz aztertzea, testuaren ezaugarriak identifikatzea, diskurtsoak eraikitzea (ahoz zein idatziz), euskalkien aniztasunaz jabetzea, sentsibiltate estetikoa lantzea...

2. KULTURA

Bertsolaritza den kultur adierazpidearen oinarritzko ezagutza: bertsogintzak berezko dituen ezaugarriak (doinuak, errimak, neurriak, hosiakidetasuna...), bertso saio eta bertsolariak, bertsoa osagai duten euskal ohiturak....

3. MUSIKA

Doinuen ondarea, entzute aktiboa, intonazioa eta igorpena, isiltasuna, abestiak eta bertso sortak jendaurrean interpretatzea...

4. TREBETASUN PERTSONALAK ETA SOZIALAK

Jendaurrekoitasuna, dialektika eta lankidetzatza, besteen lekuan jartzea, balioak, parekidetasuna, zentzu kritikoa, aniztasuna, sormena...



Zer eskaintzen du Elkartek?

Bereziki Lehen Hezkuntzako 3. zikloari bideratuta dago, nahiz eta Lehen Hezkuntzako 2. zikloan eta Derrigorrezko Bigarren Hezkuntzan ere eskaintzen den. Bertsolaritza klaseak ematen dira ikasturte osoan, asteen saio bat horretarako baliatuz. Euskara ikasgaiaren barruan izan ohi da, eta ikastetxearekin adosten da ordutegia.

Bertsozale Elkarteko irakasleak bideratzen du ikasgelako dinamika, eta tutorea ere gelan izaten da. Hala, bi irakasleen artean aukera dute ikasturtean zehar egingo diren ekimenak adosteko eta proiektua ikasgelara egokitzeko.

Irakasle espezialistek bertsolaritzaren ezagutza sakona dute, eta hizkuntzari edota hezkuntzari lotutako titulazioak izateaz gain, formazio saioak jasotzen dituzte Bertsozale Elkartek antolatuta.

EKINTZA OSAGARRIAK

Ikasgelako lana indartzeko eta ikasleak jendaurrean trebatzen hasteko, ekintza osagarriok egiteko aukera ere ematen zaie ikastetxeei.

BERTSO SAIOA

Ikastetxeak aukera du, ikasturtean zehar, bere ikasleentzat bertso saioa antolatzeko. Ume askorentzat zuzenean bertso saio batean parte hartzen duten lehen aldia izan ohi da. Helburu nagusiak umeek saioaz gozatzea, entzute aktiboa lantzea eta bertsolaritzaren oinarritzko ezagutza berenganatzea dira.

Bertsozale Elkartea arduratzen da bertsolariak lotu eta saioaren prestaketaz.

IKASTURTE AMAIERAKO JAIALDIA

Ikasturte amaieran, gelan egindako lana plazaratzeko jaialdia izaten da. Ikasgela bakoitzeko haurrak oholtzara irten eta bere emanaldia eskaintzen dute. Emanaldia bertsolaritza klaseetan prestatzen da, jendaurrekotasuna lantzeko baliatuz.

Bertan, musikari baten laguntzarekin parte hartzaileek euskal abesti ezberdinak abesteko aukera izaten dute. Honetaz gain, bi bertsolarik hartzen dute parte eta ikasleei bat-bateko saioa ikusteko aukera ematen zaie.

Bertsozale Elkartearen eta udalaren arteko koordinazioa beharrezkoa izango da aretoa lotzeko eta jaialdiaren prestaketaz bertsolaritza irakaslea arduratuko da.



KANTALDIA

Ikastetxeek aukera dute euskal kantuen transmisioari zuzendutako kantaldia antolatzeko. Musikari baten laguntzarekin, ikasleek euskal kantuak eta bertso sortak abesten dituzte, pantaila edo kantu liburuxkak baliatuz.

Bertsozale Elkartea arduratzen da musikaria lotzeaz eta kantaldiaren prestaketaz.

IKASLEEN BERTSO BILDUMA: BILBERTSOAK

Ikasturteko osoko proiektuan parte hartzen duten ikastetxe guztien artean, ikasleek jarritako bertsoekin bilduma bat osatzen da eta, ikasturte amaieran, ikasle bakoitzari ematen zaio oroigarri gisa. Ikasgela bakoitzak bere bertso sorta prestatzen du, taldeko argazkiarekin batera bilduman agertzeko.

Bertsolaritza klaseetan prestatzen dira bildumarako bertsoak.

Bertsozale Elkartea arduratzen da bildumaren ekoizpen lanaz eta banaketaz.



INFORMAZIO GEHIAGO

Bizkaiko Bertsozale Elkartea

Zabale kalea 9, atzea

48200 Durango

Tel: 946812711

E-posta: bizkaia.administrazioa@bertsozale.eus